


Charnkowski Vladislav.

Poleskova Iarum: Fascia arctissimo vir-
tutum et honorum nexu colligata.

PANEG. et VITAE

Polon. Fol.

Nº 151.



FASCIA
ARCTISSIMO

VIRTVTVM & HONORVM

NEXV
COLLIGATA

Eaq;

PERILLVSTRI ac MAGNIFICO DOMINO

D. VLADISLAO

DE CZARNKOW

CZARNKOWSKI

OSSIECENSI &c. &c. CAPITANEIDÆ

SVBMISSA VENERATIONE

Per


14.10.7m

IOANNEM POLESZKOWICZ

PROPOSITA.

ANNO à DEO FASCIATO.

M. DC. LXXXIX.



POSNANIÆ, In Typogr: Rndi D. Alberti Laktanski.

66

BIBLIOTHECA
VNIV. IAGELL.
GRACOVENSIS

In Stemma Gentilitium
PERILLVSTRIS ac MAGNIFICI DOMINI
D. VLADISLAI de Czárnkow CZARNKOWSKI,
OSSIECENSIS &c. &c. CAPITANEIDÆ.



FASCIA, CZARNKOWIO, Patrio pro Stemmate fulget,
Ut sic CZARNKOWIS, Crescat vtrinq; decus,
Scilicet, hic Nexus, virtuti iunxit honores,
Cum virtute solet gloria habere vices,
Ergo Stemma Tuum, Lechicus meritò Orbis adorat;
Quando refert famam FASCIA Sarmatiz.



AD

PERILLVSTREM ac MAGNIFI-
CVM DOMINVM

D. VLADISLAVM

DE CZARNKOW

CZARNKOWSKI

OSSIECENSEM &c. &c. CAPI-
TANEIDEN.




Qvod mihi propensus animus in Tui venerationem inspirar-
vit, hoc inter caetera Magnificentiae Tuae Encomia loqui voo-
lim. Perillustris ac Magnifice Domine. Sed quid audebo in
tanta virtutis discurrere Elogia? ubi vel ipsa Eloquentia
tanto oneri impar obmutesceret. Quid geminatas celebrare virtutis dotes
intendam? ubi etiam ad ipsa gloriae incrementa, vel ipsa suada invincibilem
simularet ignorantiam. Scilicet, arduum est oblongum in Ora-
torum Pneuma debiles diducere voces, non expedit rudi & inerudite
linguae vocales tentare periodos, ubi laudantium tenuitas subsistere neo-
quit. Quare, frustra ad limpidos oratorum fontes, & uberem verbo-
rum profluentiam, se evadere posse is speret, cuius, jam toties in altio-
ri debilioris facundiae oceano naufragavit Eloquentia. Parcendum igi-
tur laudationi, ignoscendum Eloquentiae, ubi virtutum amplitudo lin-
guam & animum oratoris, rapit in admirationem. Nimirum, adeo li-
beraria suada praesumptiosa toties universo comparuit orbi, suamq; in-
sanam non male huic saeculo exemplificavit aviditatem, ut cum omnia

magnorum virorum Honoris Virtutumq; ornamenta exigua pagina animo intercludere videretur, nec primordia quidem illarum assequi potens, cum summâ vanæ suæ gloriæ clade, confusa, ab animis ab oculis hominum elabi multoties sibi exoptaverat. Tuarum hodie Virtutum Perillustris Domine, in arenam descendo. Non ita laudationis Tuæ hodie sterilescit materies, ut illam exilis hæc pagina ambire valeat. Aded enim meritis Tuis Polono refulsisti Orbi, ut vix vel illud Oratorum oraculum Tullius, aut eloquentissimus Maro facundæ virtutis suæ ope, condignè Tua adequet Encomia. Itaq; bene sibi ominari potest Sarmaticus Orbis, cum in Tuo Gentilitio decore veterem Herodum Gloriam advertat Fasciatam. Quod si adhuc vetustati Magna Filiorum nomina spectare fat a concederent, adeo sibi invidioso animo ambitiosa indignaretur antiquitas, quod virtute, Gloriâ, Famâ, victorijs, Triumphis Honore, Felicitate, comparem sibi imò, gloriosiore videret posteritatem. Et certè obstupefecerit Antecedanea Ætas, si in illustri Fascia Tua hæc omnia spectaret ornamenta, Nihil igitur Polonus Orbis splendoris aut immortalitatis habet, quod natus Tuus non comprehendat Nexus. Imò quæcunq; præmia aliorum meritis seorsim ceca conferebat DEA, Hæc Tibi simul compendiosè amica insinnavit felicitas: aded ut vel ipsa fortuna mancipata Tibi censeatur. Quamobrem, habet quòd in Te veneretur Polonus Orbis, cum à Tuis meritis suam desumat Magnificentiam. Igitur ed Virtutum Tuarum suffragio pervenisti, ut non immerito illarum compendium dicereris. Quod quia in Te propensi animi mea suspexit veneratio, protinus vilis hic labor. Tuas se resolvit in laudes, non tamen ille omni ausu Tuas celebrabit Panegyres, antequam illum intra Tuam Fasciam complectaris benevolentia.

Perillustris ac Magnificæ Dominationis Tuæ

Additissimus servus

IOANNES POLESZKOWICZ.



Magnificentia^e Tuæ necnon amplissimæ
Domus arcana pando. PERILLVSTRIS ac
MAGNIFICE DOMINE, neq; enim eam aut
felicitatis causam, seiungi fas est, cum
eisdem intra terminos vtrumq; subsistat
decus. Non quidquam fortuna dedit vnquam nisi
paria è Domo vestra reciperet ornamēta. Fortunæ
debent quos ob magnitudinē recensere arduum est,
illa Magno Nomini Tuo Magnificentia^e suæ titulos
& pompam. Fortunam ipsam quæ pro cæteris eru-
bescit frequentius feliciorē reliquit. CZÁRNKOVIA-
NA Celsitudo. Sequitur quasi ad nutus obediens non
remorante gradu amplissimam eandem amicissima
comes dignitatem, quam longa antecedentium æ-
tatum series Domus Tuæ, ita complexa est, vt tota
nunc etiam spectetur. Sed egone immensum solem
parvo circumferre Zodiaco præsumo. tantis impar
muneribus Encomiastes? quia enim libenter in hoc
se stylus detineri patitur, vbi suæ illi occurrit exem-
plum dignitatis, verecundam mentis submissæ as-
sumo audaciam, nec à propositis retraho mentem,
vbi virtutis amplitudo amplam affert materiam. A
Tuo Nomine grandescere sperat exilis dictio mea,
postquam ipsa in eo felicitas lucem invenit eam
quam splendori adderet suo. Vt interim Fortunæ
Tuæ occurrisse valeam, facile ascensu ad excelsam
lucem dedueor Tuam; quæ in cunis jam tantam
ostendit Te, quantus esse debuisses, à quo Patria

B

splen-

splendores, virtutes, dignitatem olim esset petitura. Providere Tibi superi, ne propria tantum virtutum radiare luce, cum Illustrissimorum quoque hic labor maiorum fuerit Tuorum ut non magis vita Tibi, quam gloria illucesceret. Vtrumque ex Illustri auiti sanguinis scaturigine traxisti, satis ita disponentibus, ut eorum hæres decorum nascereris, quæ augere mallets quam agnoscere. Tua certe erant, quæcunque maiorum sollicitudo congescit ornamenta, claritatem Tibi hæc servabant suam, quâ in terras reducereris. Si verò vel ad prima Fortunæ apud vos diuersantis vestigia studio veneratōnis hæream, obviam in ipsa Illustrissimi generis origine habeo immortalitatem, Si à minori auspiciaturus operam ad cunas prorēpo Tuas, nunquam perituram inuenio Gloriam, gaudet scilicet fama vel ipsas magnorum prensare cunas, quorum olim ætate ipsa crescat: ambit nosci illis, quorum olim à Nomine nitorem sit habitura. Interest virtutis ut in ipsa origine teneri imbuantur animi auitæ gloriæ luce, ne alium deinde colorem possent bibere, adeoquæ & ipsa virtus gauisa haud dubiè est, cū Te ad immortales laureas etiam in ipsis cunis aptum cerneret, quas jam à Te perennes habet. Assistere Tibi primos molienti passus, maiorum immortalia merita quorum comitatu ad perennitatem deducereris. Docuisti pertinere ad ipsius etiam gloriæ amplitudinem, si Tuo illaberetur ortui à quo incrementum & robur esset habitura. Habet non parum Majestatis, ne an adminiculi virtus, quæ ab ipsis incunabulis, naturæ siuè fati iudicio, sic attollitur, ut ex hoc fastigio despicere possit, quidquid illi contingerit periturum. Summo scilicet

licet loco natis id solum cogitandum est; quanto
supra maiorum gloriam contendant passu, post-
quam illis primus ad famam gradus est qui majori-
bus fuit supremus. Ea sunt ex tam alto designanda
facinora, quæ nec tenebras mereantur, nec indu-
cant; si vel exilitate oculos impleant aut in digni-
tate fugiant. Magnum equidem est petitis è cinere
suffragijs famam non egere, sed maiore fiducia ad
immortalitatem virtus emicat quæ sponsores habet
famæ notos. Non alienus ille splendor est, quo glo-
riæ monstrantur posteri; si illis derivatus à majori-
bus sanguis sub communi virtutis fluit nomine. Ad
Te igitur hoc circuitu gaudet exile deuenisse En-
comium PERILLVSTRIS ac MAGNIFICE DOMINE. Non
aliter nisi sola veneratione libanda sunt merita Ve-
stra, quæ immensum foret consequi cum famam
quoq; sæculorum possint fatigare. An enim ad ipsa
propè gloriæ Polonæ cunabula retroâgere licet ob-
tutum, nisi per Vestros Titulos ac virtutes illi sit
incedendum. Equidem Poloni Nominis nè invi-
dia quidem mentionem facere potest, nisi simul
mortalitatis meminere. Nunquam tamen hoc tam
amatum famæ est quam cum illa Vos simul cõple-
cteretur. Nunquam Poloni diadematis Majestas ef-
fulsit illustrior, quàm cum Vestris aut Scipionibus
niteretur, aut Curulibus incuberet. Fortuna Polo-
na nunquam securior, quam cum Vestro cinge-
retur Circu, fortiùsq; gentilina colligaretur Fascia.
Sed forsan meâ referret magis ne inculta dictione
ea attingam nomina, quæ fama æternaturis con-
signavit monumentis, quæ fastorum labor & de-
cus, non interruptum Gloriæ ordinē nostra inter
tempora promoverunt. At enim in tanta luce
quid.

quidquid ausum est. Sola factum venerationis causa, solo obsequiorum studio. Non enim periculū est, ut illustria ornamenta Vestra, ab impari ingenio suæ incurrant dignitatis damnum, cum supra ætatum quoque iniuriam eluctata timere non possint, ne obsolescant. Fatum id scilicet hætenus putabat Orbis, quod Vobis Virtus est, ut alia magis Nomina quam merita & præmia meritorum in domo Vestra numerentur. Quanquam non eundem Vestro in contubernio Honor se miratur cum ita ad Nepotes transeat ut Majorum necesse non habeat meminisse stupenda virtutum fecunditas. Vobis, immo Patriæ præstat, ne indignabunda curiositas veterē gloriam scrutari illaque requirere aut velit aut possit. Adeoque in tanta felicitatis Vestræ amplitudine, cum & Fortuna splendidissima spectetur, & fama sit optima, utraque adhuc excusanda est quod quantamcunque Vobis dederint claritatem, neutra tamen parem meritis. Miratur Polonus Orbis superum ac naturæ de Vobis Consilium, quod nec unicū Vobis providerint subsidium, quò securi de æternitate ageretur. Illud nempe pulcherrimū adepti estis ut omni fastigio pares & dignos Vos credat Orbis. Illud verò etiam splendidissimū est, quod nulli non admoti estis culmini, quod gloriæ aut fortunæ limites non excedit. Probata famæ plausu in majoribus Tuis merita, novitatis gratiā Tibi non consūpserunt, imò ne prælibarunt quidem, ita gustum integrum in illis Patria invenit; ideoque tantū Tua Majoribus illustria facta præcesserunt, ne nunc incipere viderentur. Designas Tu æternitati non silenda merita Majorum animo, quæ Tibi, Ideam proposuisti ut tran-

transcendas. Insistis exemplis Illustribus, sed vt exemplar esse possis. Excipis præcedentium virtutum lucē, sed vt Tuis dignus sis præire. Inspiras vitam meliorem Tuis Majoribus quorum in Te memoriam famæ rursus dedicasti. Neque enim Te hortantur solum Avorum Imagines, sed (quòd ad aliorum & Tuam Gloriā satis est) agnoscunt. Agnoscit (quòd laudis genus supremum est) agnoscit in Te amor publicus, quòd non soli famæ imputet aut consuetudini, quasi inter merita Vestra ab antiquo didicerit quiescere. Quamquam enim gloriosum est, si cui per Natalium seriem in affectus iter, nemo tamen legem sibi datam putat, vt aliena merita, illis etiam obligent, à quibus non iuerunt. Nec inuidiosum potest esse cuiquam, in tam labili præsertim sæculi circa virtutes memoria, si illis tantū eadem amorī persuadeat rectefacta, quæ in posteris vivere, recentia & repetita evincunt documenta. Miratur non parumper Polonus Orbis grandè illud Fortunæ Polonæ ac Gloriæ depositum à publica sollicitudine apud Vos collocari? libertatis quippè non studio tantū Vestro & iudicio, sed plurimum Officio & propè imperio famæ estis Tutores, vt ad æternam in hoc, communi sensu Vestra transmittatur gloria. Audeamne Nobilissimæ Domūs Tuæ ornamenta recensere? quæ longo memoranda ordine, sacrā inter antiquitatem receptum sibi quendam videntur occupasse. Supervacaneum est illa Majorū protrahi merita quæ non interruptā seriē, per Posteris ducta, Nondū se oculis omnium subtraxerunt. Inutile puto per titulos splendidi-

ores CZARNKOVIANÆ Domûs pariri gloriam, cum
tota in meritis maluisset videri. Experiri tamen
quàm præsenferat infirmitatem dictio mea cogi-
tur quæ tot deberet involuere Nomina, quot
non satis potest merita percensere. Tacendus
ergò ille Inuictus novi dicam Martis Lechici ani-
mus, qui Heròicis facinoribus non ipsam iam Pa-
triam illustravit, sed ipsam immortalitatem. Quis
satis Ciceronianone an Platoniano ore illa valet
enarrare studia, quibus Patriæ in succursum,
hostilia proruendo in discrimina, sua expedi-
isse solebat obsequia, Bibit non semel eò abun-
dantiùs hostilis furor ignominiam, quò celerius
ejus in terga Inuictissimus provaleret Hector. Re-
sonat Potentissimi Poloniarum viri vocalissimû
Nomen, Carpatijs adhuc repercussa montibus
famâ, quòd eò longiori in Orbem tractu, Sarmat-
icam tranquillitatem promoveret quò generosiùs
vitam, Sepulchralibus evolvat ab antris fama,
quæ ad præsidium celsitudinis alterius Achillis
ferro armata exaravit dextera. Lustrabat ille
Bellator hosticum, & nunquam vaginæ gladium
imposuit siccum. Post egressas aduersæ potentiæ
Nubes, post effusos infidi cruoris imbres, optatam
pacis publicæ colorabat Iridem. Oriundis verò
è Domo CZARNKOVIANA Heròibus triumphalem
erexit ensem, Coronavit ferro dexteram, cum
cervices hostium acuto premeret acinace. Per
fraudes cum Lescho alij ad rapiendam, Ille ad
conseruandam Lechici Regni Coronam ruebat
per opertos Hostium cuspidibus agros: nec rosis
stratam, sed mucronibus: integer vitæ vulnerisq;
purus ex ferri triumphalis præsidio volitaret per-

aciem. Stagnant adhuc nonnulli tabo Hostium
Campi, & inani sudore adimpleta eius vestigia,
in quibus cum speculo intuitur Polonam fortitudi-
nem Hostis præterequitans, cadentibus pupillâ
imbribus humum, verberat, quod vnus Poloni
Scævola manus tantas exerati furoris Phalanges
profligauerit. Non sæpius aquas hostili commistas
cruore transire noluit, antequam ex Cadaveribus
stratis induceret pontem. Non ex Naubus aut
quondam Hellespontico freto Xerxes, sed ex gla-
dijs manibusq; abscissis, pudibundis fluctibus cō-
pedes iniecit toties. Sudabat sub Galea tanti
Bellatoris caput, Ferro totus vivebat, & chalybe,
sed ferreo in carcere mens aurea pretiosus animus
claudebatur. Hastam adeò scite stringebat in ho-
stem, vt vita & equo dejectus laudaret manum
hostis cum caderet; & solatium cladis putabat
quod tanti Heròis gladio manuq; dignus fuisset.
Docuit Nobilissimus Hector Parens Tuus, quid in
quovis campo valeat Polona Aquila, cui non
humilem prædam, sed ipsum etiam Draconem
Moschoviticum obiecit. Heròicæ gloriæ Inuict⁹
Bellator, tantam salutis publicæ patiebatur fa-
mem, vt tot vicibus Hostium furore fracto eam
extinxisse nequirit. Tantum illi ex ore Dra-
conis manavit mellis: vt deinde haud remorante
gradu ad bella velut famelicæ apes ad favum fe-
stinaret. Tanta illa feritas versa in dulcedinem:
Ita ei omnia bellorum placuere discrimina, vt non
prima tantum prælia, sed mortes quoq; ipsas dul-
ces crederet pro Patria. Tam forti experimen-
to, bellicæ virtutis iniciatam famem, nihil humi-
le vnquam præclare agendi pro Patria satiare po-
tuit.

tuit. Effusus Hostium sanguis adeò Heròico eius animo dulcis videbatur, vt illo vsq; ad obliuionē illius ebrius, auderet illa perficere, quæ alij vel cogitare formidassent: Ille tanti Heròis cum CZARNECCIO, cuius toties gloriôsè implevit vices, infractus erat animus, vt de campis discedere, nisi extrema illos in suppetias evocare pericula vel-
lent. Quid memorem, vltèrius non vltroneis dun-
taxat obsequijs potentem, verùm etiam Cælorum sibi militantium prodigioso admirandum subsi-
dio. Hoc intra Regni viscera publicis distento of-
ficijs dùm Hostium copix involantium more præ-
donum sese Poloniæ finibus infunderent, ita vici-
bus repetitis profligavit, vt infami fuga ægre se in-
tutū receperint. Perijsse jam toties debebat in præ-
lijs si potuisset, qui tot jam mortes superauerat.
Ipsa Polona Aquila in triumphum evolabat, quo-
ties Bellatoris vtramq; manum in qua securitate
publicam Mars Lechicus reposuerat aspexit sal-
vam. Et stratâ jam potentiâ, eo redeunte vistula
quoquo solito celerius ire videbatur, quasi ad hoc
illum vellet commitari, vt sudorem Martium
abstergeret. Poloni nominis amor illas ei addide-
rat alas, vt nulla velocitas par esse potuerit. Tri-
umphales eis nocte Polonia lauros! qui tot dif-
ficultates superârunt. Illis voto publico

Manna fluat calumq; irrores hymettia mella.

Hos lauri virides, hos myrtbea protegat umbra

Qui tot hostilia vicere discrimina.

Vix alios vixisse crederemus, nisi fidem oculi aut
linguæ hominum mererentur, & quamquis ipsas
nubes, celsioribus æquabant titulis, in magna ni-
hilominùs celsitudine tantùm misere decreuerunt,

ut nec pulverem sui in copia reliquissent, ex quo
tantæ magnitudinis vestigia collegissemus. Ar-
debant equidem titulorum splendoribus accen-
sæ Majorum Cere extra tamen longum puppil-
larum fulgorem, ita enim valido fatorum spiritu
extinctæ sunt, ut nec fumum dedissent, quò mor-
rorum a pectoribus, lacrymas extorsissent ab o-
culis. Hanc obliuionem sui metuisse debebat
CZARNKOVIANA Virtus, quæ triumphali ferro eti-
am ipsam mancipavit immortalitatem. Rubuit
non parumper trabea, quòd à cruento Bellonæ
sipario, clariorem accendi vidisset mucronem.
Vnde non mirum est Mecænas ILLUSTRIS-
SIME, cur toties in aula Vestra honor vberim fleuerit, tndi-
gnus enim toties generosâ puppillâ est, quem in-
spiciunt aliqui, vix non vsq; ad amissionem ocu-
lorum. Illos precaria astra saturent, quos ingens
domi esuries titulorum vexat. Augere Virtus
CZARNKOVIANA decora solita est, non accipere,
eò magis contenta luce propria, quò alienæ aua-
ra minus. Quia verò fomento indiget honor fa-
cilèq; absumptis Majorum ceris extinguitur, nisi
novas apponat posteritas: hinc numerosis cum vir-
tutum pabulis nutritis, actâ in ludibrium eorum
arrogantiâ, qui cereum quem vnum habent, su-
per Currum triumphalem deuehunt, at cum inæ-
qualibus accendunt titulis, extinguunt. Arsit Ma-
jestas Cereæ, sed quia vna, vnis absumpta in-
cendijs. Inopes annorum alij ultra robur virtutis
accendunt solem: ut publicæ priuatæq; fortunæ
incendijs Phætontem renouent. Violentis pupil-
lam perstringunt fulgoribus, ne præter tumidæ
mentis æerem illustratum vacuum meritis aduer-

tant domum. Grandibus vos attemperastis virtutibus lucem, ut non minus illustrem honoribus, quam tantorum capacem siderum ostenderetis. Coguntur equidem tituli, tam angustæ quandoque inseruire virtuti, ut eius repositâ, intra vnius retinæ angustias tenuitate, vix habeant quod ferant, nedum illustrent. CZARNKOVIORVM in aula habuere habentque grandia, quò coronent obiecta habent ausa insolita, ad quæ vltro stupeant cum non sufficient; quin & radijs careret honor totidem, si quamuis virtutem, ex ordine coronare ambiret. Sed supervacaneum censeo verbis fatagere pro Gloria Vestra quam intra immortalitatem, non solum tot reposuere virtutes, sed & insolita merita. Non ideo hic Tuos! memoravi Maiores quasi non esses ipse. Posteris Tuis admirationis initium, & virtutis exemplum. Palam est non sine summa admiratione universo Terrarum Orbi, quò tantum virtutis habeas, quantum etiam illi, simillimusque sis maioribus Tuis, Te non in Nomina tantum illorum, sed in animos quoque virtutem, gloriam immigrasse. Habet Polonus Orbis quam grato in Te veneretur poplite sapientiam, in cuius toties felicitatem publicam armata à Tui capitis armamentario deprompsisti Consilia. Vbi enim domestico solutus otio, Palladis descendere in aciem, usque adeò doctioribus stadijs Minervæ Iolimpia emensus? ut in novum conquiritæ eruditionis præmium novam adijceres diligentiam. Indignum sanè CZARNKOVIANO ratus sanguine, si antiquum dignitatis valorem posterorum prætia non ad implerent. Profundè nimis illud Tuæ insedit menti studium, ne ab ea literarum

arc-

arena redires vacuus, ex qua Tui majores laureatum verticem extulerunt. Hinc luculentum, steterat rarioris solertiæ Tuæ indicium, quam citra invidiosam animorum æmulationem omnium sagacitate ingenia, facilitate memorias, subtilitate acumina, admirabili demum, scribendi, loquendiq; modo, grauiiores etiã quorumuis sensus præuertisti. Et quoties consueta agere evenit certamina, nunquam ex facunda acie discesisti, nisi Victor. Continuæ sedulitatis exercitio in tantum ditioni Tuæ subjecisti eloquentiam, ut annorum etiam gravitatem in Tui votum ingenij protraheres. Quicunq; dabat aurem Tullio, principatum oris Tui tenenti, teneram incusabat ætatem, quòd tam vasti capacitatem animi, tardiori passu ad publica negotia expediret. Et jam sibi Auditor longiorē precabatur salutem ut Te vel semel pro Comitij (quòd jam felicib; cõplevisti auspicijs Oratorē veterana exciperet aure. Taceat popularis ille Occentus lyræ ad quam moles Saxorum, vni semper hominum destinata vsui pertracta est? majus mihi invento Orphei artificium est, animos posse hominū, ad arbitrium libertatis positos, eò admiranda virtutis eloquentia deducere, quò nec ipsa ire nolint, nec velle possint alio. Talem Tu Gallicus intra magnam Poloniã Hercules, aureæ dictionis Catenam circumferbas in ore, ut quemcunq; volebas sinè arduò colligabas negotio. Ad primum suadæ Tuæ sonitū aurem alijs, Tibi animum reſerabat auditorium, & cum pedibus ibant vltro manus in Tuam sententiã. Quòd si lugubris comploratio, è monumentis gloriæ reſerabitur, nihil præter viuacem exinde

1363

de

de surget suadæ Tuæ triumphum. Scio lugubrē
aliquorum facundiam, alterā supra sui exiguitatē
compassione indigere, ita enim quandoq; imbecilli
ab ore nascitur, vt emortua veluti de sepulchro
depromat verba, maioribus digna lacrymis, quā
sepulta in cineribus solatia. Procul ab hoc
offensionis lapide, Oratorium remouisti pedem
ipso Cynea disertissime Domine, quoties enim
auream soluebas in stylum linguā, ipsum pœne
toties sepulchri marmor fabuloso felictor Deu-
calione ad vitam memoriæ reducedas. Illud est
singulare vobis a natura pretium, vt antequā Ve-
stri coronam Honorarij possideatis prior intra
Minervæ Augustalia coronata euadat sapientia.
Docuistis victrices laureas tantū Herōum cingere
capita vt doctas etiam redimiant frontes. Mon-
strastis in ferro militiæ, in fronte sapientiæ cresce-
re adoras. nec fœcundiū ex cruore Märtio, quā
erudito sudore in messem surgere. Non satis fue-
rat doctæ Tibi Palladis peragrarē campos. ad
Martialem etiam arenam herōicū mouisti pedem.
Monstrasti ad Viennam Generosæ Indolis speci-
men, Matialium conspicuus laborum invicti pa-
tentis Tui æmulando vestigia. Calcaribus alio-
rū, frenis Tuus egebat equus, celerius in hostiū
discrimina proruendo Non parumper gauisa
est Polona Aquila, quòd eundem atq; in Nobilis-
simo Parente adverterit animū, sub cuius trium-
phalem dexterā sese tuto deponeres. Murmura-
bat eò nimium Nobilissimo pudefactus cruore Da-
nubius, quòd inter serviles Othomani exuvias, ba-
iula libertatis fluitassent corpora. Rubuit non pa-
rumper Neptunus, quòd extra Balthidem, nume-
rosi-

rosius ostium in Poloniâ non reserasset, quo tam
cara dexteritatis spolia ad tumulum gratæ Patriæ,
inter Nympharum syrenumq; classica deportasset.
Sed frustra lacrymarum profluvio adimpletur Da-
nubius Non omnis illo Poloniæ Heros abreptus
est, non Honor absorptus. Habet adhuc Ortho-
doxus Orbis, non armis minùs quàm consilio po-
tentes Herodæas. Post tot Bellorum discrimina No-
vum Te Cyneam dicentem tantum in Comitio-
lis pro Publico bono quantum Comitij Nobili li-
bertate nihil timori, nihil faciori præstando ve-
nerata est Auditoris confluentia, cum non auri-
bus solum tantummodò, sed animis, diceres &
pro libertate quò velles traheres. Procul ab ijs qui
in verba solliciti mulcent aures, ut Reipublicæ salus
impingât in servitutem. Ita in commune Patriæ
Bonum intentus poenè Tui oblitus videreris. Ar-
guebas illos exemplo, qui catenas & vincula ab ore
fundunt, quibus aut libertatem stringant, aut
captivam faciant libertatem, Nunquàm ore Tuo,
cui se toties concredidit salus publica, humilia in
adulationem verba, ut solenne illis est, qui tot
& favore & fortunâ pendent, submisisti. Quid
non sanctum piumq; Themis expectet ab illo ore?
quòd veriùs quam olim caligulæ, publicæ Fortu-
næ os grata fateretur Patria. Oderas eorum Indo-
lem qui præcoci molimine, ad honorum fastigia
eluctantur & inter in opinos fortunæ plausus nimis
citò evanescent. Sensim nolunt alijs crescere ut af-
fectato honori, velociùs sinè sensu decrescant. Et
jam solem induunt supra ætatis merita cum Pha-
etonte, ut accenso fortunæ cælo, avidū splen-
doris nomen extinguant & in ipso titulorum in.

cendio umbras adinveniant ignominia. Imma-
ram eminendi cupiditatem, vlticibus sæpè ca-
stigant flammis, cum renitente ætatis cursu, siccitatem
meritorum accendunt titulis, jaciuntq; Pa-
trium inflammas Orbem suum in fumos nomen.
Altas arbores in plerisq; crescere videas, quæ vel
ideò nubibus proceritatem inferunt, ut plus nu-
cum inanum progenerent, vndiq; titulorum fron-
des ampliant, ut prætereuntium castigentur flagel-
lis. Robustiora in mille usus robora lento passu
succrescunt, ut decerpta sub Autumnum bellaria
spidiorem gustui maturitatem apponant. CZARN-
KOVUS ad lancem meritorum ponderantibus ho-
norem, ille velocior ad curules passus, qui in con-
tinuò eorum gloriæ multas numeravit morulas an-
tequam admitteretur. Et quamvis jam merita fe-
rent in auge, ne tamen simul omnia fortunæ lu-
cem viderent, vibratos vltro titulorum radios ad
suasum modestiæ remouebant. sed frustra imponi-
tis frena Piroentibus Eoiq; vigalibus, in amplo
meritorum curru deuchunt ad aulæ vestræ capito-
lium Honoris solem. Frustra Fortunæ Orbitam, ab
alto culmine throni properantem, cuncta bunda
côercet virtus roseratis in obsequio postibus ve-
stram supplex devolutus devoluiturq; ad arcem.
Mirum est quòd Gentilitiæ Nobilitati novam
fere nobilitatem, Majorum virtutibus novas adij-
cias virtutes. Nobilis profectò victoria, qua vir-
tus de virtute triumphum agit. Ita instituis vitæ
ætatem suæ, ut vnicus cum sis Posteris initium
Nobilitatis, laudisq; invitamentum futurus sis. re-
calcas Majorum vestigia, ut magnas magnorum
animas in Te superstites Orbi Polono referre vi-
dea-

dearis. Non immeritò Lyricus exulit. Fortes cre-
ari Fortibus, & Bonis. Confirmavit Tuo natura e-
xemplo ab arbore ramum non dissentire Fortunati
Majores etiamnum in nepotè vivunt. Bis fortuna-
tus Nepos suos repræsens Majores. Quia enim
mellifluâ Platonis carcam eloquentiâ ut eas dignè
circumscribam virtutes, quibus jam sola peren-
nitas mancipata. Nec lyncem agam omnivolum,
ut attonito animo, vniversa quæq; scrutari vale-
am merita. In ipso Encomiorum limine tenuem
abstraho pennam, cum sola sibi virtus, ut premi-
um, ita encomium sit, maximaque eius laus nunquam ex-
quo laudari possit. Accipies tamen quidquid ho-
die tenuitas Tux adiecit Magnificentix. Etsi ali-
quod maxima virtus & merita patiantur detri-
mentum, non eò sol obscurior quòd caligino-
sâ circumducatur nube. *Vivit in cineri-*

*bus flamma. Etiam in naufragio gemma
portum habet*

DIXI



[Faint, illegible text, likely bleed-through from the reverse side of the page.]



[Handwritten red ink signature or date, possibly "J. XXIII. 19."]

